

國學基本叢書

十駕齋養新錄

上

書叢本基學國

錄新養齋駕十

(上)

撰所大錢

行發館書印務商

目次

十駕齋養新錄序

自序

錢辛楣先生年譜序

錢辛楣先生年譜

竹汀居士年譜續編

十駕齋養新錄總目

十駕齋養新錄卷第一

十駕齋養新錄卷第二

十駕齋養新錄卷第三

十駕齋養新錄卷第四

十駕齋養新錄卷第五

十駕齋養新錄卷第六

一

二三

四五

六三

八九

一一九

十駕齋養新錄卷第七	一四九
十駕齋養新錄卷第八	一七一
十駕齋養新錄卷第九	一九五
十駕齋養新錄卷第十	二二七
十駕齋養新錄卷第十一	二四五
十駕齋養新錄卷第十二	二六五
十駕齋養新錄卷第十三	二九一
十駕齋養新錄卷第十四	三一五
十駕齋養新錄卷第十五	三五一
十駕齋養新錄卷第十六	三七三
十駕齋養新錄卷第十七	四〇一
十駕齋養新錄卷第十八	四一七
十駕齋養新錄卷第十九	四三九
十駕齋養新錄卷第二十	四六三

十駕齋養新餘錄總目	四七九
十駕齋養新餘錄卷上	四八三
十駕齋養新餘錄卷中	四九五
十駕齋養新餘錄卷下	五一

十駕齋養新錄序

學術盛衰。當於百年前後論升降焉。元初學者。不能學唐宋儒者之難。惟以空言高論。易立名者爲事。其流至於明初五經大全易極矣。中葉以後。學者漸務於難。然能者尙少。我朝開國。鴻儒碩學。接踵而出。乃遠過乎千百年以前。乾隆中。學者望習而精之。可謂難矣。可謂盛矣。國初以來。諸儒或言道德。或言經術。或言史學。或言天學。或言地理。或言文字音韻。或言金石詩文。專精者固多。兼擅者尙少。惟嘉定錢辛楣先生。能兼其成。由今言之。蓋有九難。先生講學上書房。歸里甚早。人倫師表。履蹈粹然。此人所難能一也。先生深於道德性情之理。持論必執其中。寔事必求其是。此人所難能二也。先生潛學經學。傳注疏義。無不洞徹原委。此人所難能三也。先生於正史雜史。無不討尋。訂千年未正之譌。此人所難能四也。先生精通天算。三統上下。無不推而明之。此人所難能五也。先生校正地志。於天下古今沿革分合。無不考而明之。此人所難能六也。先生於六書音韻。觀其會通。得古人聲音文字之本。此人所難能七也。先生於金石。無不編錄。於官制史事。攷核尤精。此人所難能八也。先生詩古文詞。及其早歲。久已主盟壇坫。冠冕館閣。此人所難能九也。合此九難。求之百載。歸於嘉定。孰不云然。元嘗服膺曾子十篇矣。曾子曰。難者弗辟。易者弗從。故聖賢所能。必爲至難。若立一說。標一旨。卽名爲大儒。恐古聖賢不若是之易也。先生所著書。若

廿二史攷異、通鑑注辯正、元史藝文志、三統術衍、金石跋尾、潛研堂文集，久爲海內學者所讀矣。別有十駕齋養新錄廿卷，乃隨筆札記經史諸義之書。學者必欲得而讀之，乞刻於版。凡此所著，皆精確中正之論，卽瑣言剩義，非貫通原本者不能。譬之折杖一枝，非鄧林之大不能有也。噫嘻難矣。元於先生之學，未能少測厓岸，僅就所自見者，於百年前後，約舉九難之義，爲後之史官傳大儒者略述之。

嘉慶九年歲次甲子小雪日，揚州後學阮元謹序。

自序

芭蕉心盡展新枝。新卷新心暗已隨。願學新心養新德。長隨新葉起新知。張子厚詠芭蕉句也。先大父嘗取養新二字。榜於讀書之堂。大昕兒時侍左右。嘗爲誦之。且示以溫故知新之旨。今年逾七十。學不加進。追惟燕翼之言。泚然汗下。加以目眊耳聾。記一忘十。問字之客不來。借書之瓶久廢。偶有咫聞。隨筆記之。自慙螢爝之光。猶賢博籥之好。題曰養新錄。不敢忘祖訓也。嘉慶四年十月。書於十駕齋。

錢辛楣先生年譜序

唐宋以來名公巨卿皆有年譜。然必爵位功業道德文章炳耀一世。而又克享大年。則及身自爲之而無忝。後學代爲之而足徵。與國之史傳家之世系可互相參攷者也。唐香山居士白文公自編長慶前後各集。弁以年譜。今集中所刻出於陳伯玉李德劭之手。則公自編之譜久已散佚。然公之年齒官階時事出處一一見諸詩集。讀其詩而年譜卽在其中矣。嘉定錢竹汀宮詹甫晬能言。母沈太恭人指玉而二字教之。試以他書指認不誤。與香山之生七八月乳母抱立屏下。指之無二字百試不差者正同。豈非文人偉業異世相符者乎。先生鍾光岳氣完之運立堯舜唐歌之廷。年甫及艾養疴里門。雖位止九卿功業未顯而道德文章中外仰之。如泰山北斗。著述之富網羅百家。沾溉藝苑。高麗使臣在都購其詩文集。嚮諸國中與香山之日本新羅鈔寫其本者亦復相似。故翼謂先生卽我朝之白傳也。歲在庚申。獲交先生從孫直卿學博。以先生年譜見示。壬子以前先生自撰。後十二年其曾孫又沂學博補編。受而讀之。知先生少壯時所親炙者先達名流。而後之同年儕輩門生新進皆鴻博之碩儒詞章之宗匠。尙論者可想見當時國運之隆人才之盛。而先生令名壽考全受全歸。此又名公卿年譜中所罕觀也。憶嘉慶壬戌先生重游泮水。翼年十四歲不獲親瞻道範。及與令孫竹孫學博同歲游泮。禮宜晉謁門下。而哲人已萎。徒深歎慕。

十駕齋養新錄 錢辛楣先生年譜序

迄今天假之年，龍鍾未死，猶得腆顏泚筆，附名於一代大儒之譜末，是則厚幸也夫。咸豐十年陽月既望，寶山袁翼謹撰於豫章郡寓齋。時年七十有二。

錢辛楣先生年譜

曾孫慶曾校注

竹汀居士年譜手編自題

謹案公諱大昕字曉徵一字及之號辛楣又號竹汀居士姓錢氏先世鳳里公諱鑑明正德間自常熟徙鳳里贅嘉定之盛涇管氏遂世居嘉定先世譜系所自遷嘉時已失不可攷鳳里公生北郊公諱浦北郊公生順郊公諱炳順郊公生侍郊公諱時侍郊公生公瞻公諱岐是爲公曾祖

雍正六年戊申正月七日戊午戌時居士生於嘉定望仙橋河東宅

謹案吾家自鳳里公始居盛涇再傳而析二支一居外岡一居望仙橋望仙橋鎮在縣城西十八里

先大夫年逾三十尙未得子姑夫沈組佩先生言房門不利當閉之而別啓戶焉如其言期年而居士生

謹案高祖中憲公諱桂發字芳五號小山縣學附生以公貴封奉政大夫翰林院侍讀曾贈中憲大夫詹事府少詹事著有方壺吟藁三卷享壽七十有九生於康熙三十六年至是年三十二矣沈諱張坊新陽縣庠生居嘉定以子魁宜贈奉政大夫貴州威甯州知州

七年己酉年二歲

居士甫周歲能言母沈太恭人指玉而二字教之更以他書覆試卽指認不誤睂日家人陳百物於

盤居士歸視良久，惟取一筆。

譚案：公集奉政公家傳云：甫許卽教以識字。

八年庚戌，年三歲。

沈太恭人歸甯，攜居士至外祖宅。外祖喜其慧，引詣諸戚友家，見堂上扁聯，皆能成誦。

譚案：公外祖沈處士諱時修，居青浦之黃渡鎮。

九年辛亥，年四歲。

十年壬子，年五歲。

始從塾師曾獻若先生問字。

譚案：奉政公家傳云：比五歲，受以經書，稍暇卽與講論，稍代故事評議，指示傳記，憶勿忘乃止。如是者殆十年。曾公諱佳麟，庠生，中憲公衆師。

十一年癸丑，年六歲。

十二年甲寅，年七歲。

先大夫移居河西宅。

十三年乙卯，年八歲。

乾隆元年丙辰，年九歲。

謹案是年中憲公入學公集中憲公行述云年觀強仕始受知於學使禮部侍郎桐城張公廷爵三上秋闈不遇杜門課徒自給

二年丁巳年十歲

大父奉政公館望仙橋楊氏即從大父受業初學爲八股

謹案奉政公諱王桐字青文號陳人縣學生鄉飲大賓壽九十有二著有字學海珠三疊星命瑣言一卷以公貴贈奉政大夫翰林院侍讀奉政公夙精小學教以訓詁音韻公能貫通大意奉政公嘗謂此子入許鄉之室無難也

自夏至冬病瘵廢學

三年戊午年十一歲

始應童子試

謹案是年邑令爲咸甯黃公建中

四年己未年十二歲

先大夫館外岡族父元禮齋從先大夫學

謹案外岡鎮在縣城四十二里元禮先生諱楷國學生與公同出北郊公

五年庚申年十三歲

仍從先大夫在外岡書齋其夏復應童子試邑尊永嘉林公諱上梓面試大加獎賞揭案名在第六

先大夫攜居士謁謝公曰。令子遠大之器。不必欲其速售也。

六年辛酉。年十四歲。

先大夫館族兄彥輝齋。仍從先大夫學。

諸案彥輝先生諱耀國學生與公同出順郊公又寒中憲公行述初館元禮先生齋後館彥輝先生齋皆攜公自隨晨夕督課當是時舉業家皆不習詩生徒或私作韻語則父誨相詬病以爲妨於制義也中憲公獨喜教公爲詩示以唐人安章宅句之法則公之始學爲詩當在此三四年間是秋中憲公赴江甯鄉試公卽攝館

七年壬戌。年十五歲。

是歲負笈入城。從曹丹五先生學。同筆硯者。陸昌雅、李斗祥、韓萬原、徐毓洲諸君。及先生之子習庵也。

諸案曹封翁諱桂芳號楮灣歲貢生習庵學士名仁虎字來殷辛巳進士陸名授詩與公同入泮少年有才早世韓名本徐名瀛秀皆縣學生公詩集有徐毓洲讀書齋合集杜詩相寄之作又嘗爲記芥舟山房見文集

其夏復應童子試。受知於學使內閣學士劉公諱藻。覆試日。見居士方髫齡。別置筆硯於它所試之。較原卷更佳。次日復特招覆試。以焉知來者之不如今也爲題。試畢獎勵甚至。贈以筆墨數事。公嘗語人曰。吾視學一載。所得惟王生鳴盛、錢生大昕兩人耳。是時始與禮堂定交。外舅盧亭先生見居士文。亦以爲不凡。明年始有昏姻之約。